

հովիւ գիւղի՝ գիտակ այսմ, և ածին զնա յերուսաղէմ առ Յովհաննէս վարդապետ, և նա սկիզբն արար 'ի պատմելու Ոմանք 'ի Ֆէլլահաց եկին առ իս երթալ յերուսաղէմ եւ կողոպտել 'ի քաղաքի զայս նիշ տուն, և 'ի պատճառել իմում չմտանել 'ի քաղաքն, մեկնեցան յինէն, և յառաւօտեան սրահու գնացեալ առ նոսա, տեսի զի բաժանէին 'ի միջի իւրեանց զինչս եկեղեցւոյ. զարմացեալ ընդ այն՝ հարցի ցնոսա, թէ զիսրդ մտեալ իցեն 'ի վանս, և նոքա ասեն՝ մինչ խորհէաք 'ի գերեզմանատունն Հայոց, եկն առ մեզ մի ոմն յայլազգեաց Սիոնի, և որսացեալ զմիտս մեր ասէ. ահա՛ զիսրդ առիթ կողոպտելոյ զվանս Հայոց, զի յաղաքս տօնի իւրեանց, բերեալ են անդ բազում ինչ, և փութացեալ երբեք զսափոր ջրոյն և զարս երկուս ընդ իւր, և սկսան բաղլսել զդուռն վանաց և խնդրել զջուր, զի ժամըն էր իբրեւ 11. և 'ի բանալ դռնապանին, հարաք ըզգլուխ նորա և տապալեցաք զնա անդ, և մտեալ 'ի ներքս խողիսողեցաք զարս երիս, և աւարի առաք զեկեղեցին և զսենեակս, եւ ապա բարձաք նաեւ զվիրաւորն 'ի կենաց և մեկնեցաք անտի, և տուեալ ինձ բաժինս յաւարէ անտի, պատուիրեցին չխօսիլ ինչ ումեք, եւ մին 'ի նոցանէ էր 'ի քաղաքէն Երուսաղէմի: Լուեալ Հայոց զպատմութիւնս զայս, ետուն ըմբռնել զայրն քաղաքացի, և 'ի մատնել զայն քաղաքապետին 'ի գանս, մատնեաց զգողակիցս իւր, յորոց մին էր Սիոնցի այրն Համտան անուն, և գողոնն թաքուցեալ 'ի գիւղն Բեյթ Ճալայ 'ի տուն առն միւս, թաղեալ 'ի ներքոյ քարի, և գնացեալ հանին զայն անտի, և բերին յերուսաղէմ, այլ ոչ զբովանդակն, զի միայն զբաժին տունն գտին անդ: Եւ 'ի պահու քննութեան՝ յայտնի եղեւ թէ գողութիւնն լեալ է 'ի ձեռս այլազգեաց Սիոնի, եւ Համտան փախուցեալ 'ի քաղաքէն: Այլազգիք Սիոնի բազում անգամ գործեալ էին զայսպիսի ոճիրս և մնացեալ անպատիթ, որպէս յառաջագոյն եւս սպանեալ էին զարս երկուս անդ 'ի վանս Ս. Փրկչի, և հատուցեալ բազմադիմի վնասս, և խալիլ անուն ոմն 'ի նոցանէ մտեալ 'ի վանս Ս. Հրեշտակապետի, սպանեալ անդ եւս զարս երկուս և կողոպտեալ զեկեղեցին, և 'ի վաճառել նորա զԱւետարան մի 'ի Կոստանդնուպօլիս 'ի Դաւթեա, թափեաց 'ի ձե-